

Stadsrekeningen van Alkmaar, bijlagen 1517

1517
Arte midt ghevoert gheschiet so produceste omme aldus verus
en her ontfangte te hebbe als hand vande thesauriers der
stede van der stede van myn myn gelyc danc omme dat
by myn myn gheschiet te danc so danc: amaffort in
althecht om te ruyt in goet bequame ma'te my
vator danc omme by gheschiet myn myn vande
pauze pautoy danc in danc danc danc so hebste
myn gheschiet gheschiet of myn myn her end gheschiet
op d' danc danc van nouwe danc gheschiet
Meyt gheveit gheschiet
Danc albert f
Jan danc

Archief van de gemeente Alkmaar, 1325-1815, inventarisnummer 576
Bijlagen van de ordinari en extra-ordinari thesauriersrekeningen, 1517

Ick, *meester* Gherryt Ghisbertszoon, scoelmeester binnen Alckmar, kenne *ende* lije ontfanghen te hebben uut handen van den tresauriers derselver stede die *summa van tyen rinse gulden daerover* dat hij een reyse ghedaen heeft tot Deventer, Swolle, Ammasfoert *ende* Uutrecht om te crighen een goedt bequaem *man* tot een rectoer, daerover hij ghevacert heeft myt reysen *ende* keren seventyen daghen. In kennis daer waerheyt soe heb ick, *meester* Gherryt Ghisbertszoon *voers.*, mijn naem hieronder gheset op den derden dach van *novembri* anno XV^C seventyen.

Meyster Gerrit Ghisbertz.

Dirck Allertz. Jan Claesz.

Wij, Baerte Bartoutsdr., nutertijt *ministra* *ende* ghemeen convent der beslotenre susteren Sinte-Margrieten buten Leyden op Rodenburch, bekennen *ende* belijen ontfanghen te hebben van die guede stede van Alcmer sestien rinsgulden, veertich comansgulden voir den *gulden* gherekent, welc wij hebben op die *voirscreven* stede tot behoef *ende* lijftocht van Marie, Jan Gherytsz. *dochter*, onse professyde medesusters, *ende* ons verschenen sijn anno XV^C *ende* seventien tot twee terminen, die een helft opten vijftienden dach in februaryo *ende* die ander helft opten vijftienden dach in *septembri* *ende* wij, *ministra* *ende* ghemeen convent *voirscreven*, belijen ons van den gelde *voirscreven* van die guede stede *voirnoemt* voldaan *ende* wel betaelt den lesten penninc mitten eersten van desen termijn *ende* van allen voirleden terminen *ende* scelden die *voirscreven* stede volcomelic daervan quijt *ende* alle die des quytancie behouen. D[es] enen oirkonde so hebben wij ons conventszinghenet die wij daghelicx ghe[bruken] hier beneden op ghedruct in 't jaer ons Heren XV^C *ende* seventien opten vijften [dach] in octobry.

Dirck Allertz.

Wij, Baerte Bartoutsdr., nutertijt *ministra* *ende* ghemeen convent der beslotenre susteren Sinte-Margrieten buten Leyden op Rodenburch, bekennen *ende* belijen ontfanghen te hebben van die goede stede van Alcmer sestien rinsgulden, veertich comansgulden voir den rinsgulden gherekent, welc wij hebben op die *voirs.* stede tot behoef *ende* lijftocht van Katrijn, Jan Gherytsz. *dochter*, onse professyde besloten medesusters ~~lijft~~, *ende* ons verschenen sijn anno XV^C *ende* seventien tot twee terminen, die een helft opten vijftienden dach in februaryo *ende* die ander helft opten vijftienden dach in *septembri* *ende* wij, *ministra* *ende* ghemeen convent *voirs.*, belijen ons van den gelde *voirs.* van die guede stede *voirnoemt* voldaan *ende* wel betaelt den lesten penninc mitten eersten van desen termijn *ende* van allen voirleden terminen *ende* scelden die *voirs.* stede volcomelic daervan quijt *ende* alle die des quytancie behouen. Des tot enen oirkonde soe hebben wij ons conventszinghenet die wij daghelicx ghebruken hier beneden opghedruct in 't jaer ons Heren XV^C *ende* seventien opten vijften dach in octobry.

Dirck Allertz.

Sekere reysen ende vacantien gedaen bij onsen poerteren ende dat deur
buveel van den burgermeysteren an den seedijck ende elders.

Claes Claesz., corffmaker, een reysse gedaen myt sijn paert tot Eerswoudt om te vernemen
waer hem die vianden 't hoeft geven wilden, daervoer betaelt x s.

Scout Hyl heeft sijn paert geleent daer Hans van den Bosch mede gereden is tot Haerlem om die wal-
meester te haelen, daervoer betaelt vii s.

Jan Aechten een reysse gedaen tot Eerswoudt, Spanbroeck ende tot Hoern, telcken myt een
paert, voer elcke reysse betaelt viii s., noch voer xiiii dagen die hij gevaceert heeft myt een paert
tot Eerswoudt ende onder die Soutendijck 's daechs vi s., facit tesamen vijff l. viii s.

Olbrant Symenz. een reysse gedaen tot Petten myt sijn paert, daervoer betaelt x s., noch sijn knecht
een reysse gedaen tot Hoern, daervoer betaelt viii s., facit tesamen xviii s.

Dirryck Jacopz. ende Philips Roenchz. een reysse gedaen tot Egmond om aldaer onse poerteren te
waerscouwen dat sij van den stonden an in der stede comen sullen, daervoer betaelt \forall vii s.

Claes Dirrixoon Meller ende Lubbrant Maertz. een reysse gedaen tot Hemskerck om aldaer onse
goeden te soeken, in welke reysse an vracht gegeven vijff s.

Aelbert van Rijck, valeyt, van dat weerhaentgen op die stedetoorn te setten die som van viii s.

Somma viii l. iii s. van xl grooten vlaems 't pont

welcke voerscreven som van acht ponden drye schellingen van xl grooten vlaems 't pont men ordineert
den
tiegenwoerdigen tesauiers der stede van Alcmer te betalen elcke in den sijnen ende myts over-
leverende desen cedulle ~~men~~ men sel 't hemluden passeren in 't 't uitgeven hoeren rekenyngen daer 't
en alsoe behoert. Actum onder onsen namen hieronder geset den xviii^{en} dach septembri anno XV^C
seventhyen.

Dirck Allertz. Jan Claesz.

Ic, Fije Willemsdr., mater der susteren van Sinte-Marien binnen
Alcmaer kenne ende lije ontfangen te hebben van die stede van
Alcmaer v currentar € rinsgulden vanwegen onse medesuster des
convents als Gharijt Jacopsdr., die ons voirsenen waren tot Sinte-
Berthelomeus in 't jaer van XIX, van welke v rinsgulden voirs. ic, Fije
voirs., quityen ende waer betaelt. Des te oorconde soe heb ic
desen bryef bij een andar doen scriven ende onse merck doen
ondar setten.

Den xiiii^{en} in meye anno XVII zoe zijn Dirck Allartz., burgemeester, ende Vincent van Teylingen gereist tot Eynchuysen bij de heer van Ysselstein omme met hem te communicereen van de scepen up de zee te houden etc. de generael te oncost gehadt van die rijse ende anders 't gunt dat hiernaer volgt.

In den eersten an vracht van Alcmaer t' Eynchuysen ende wederomme thuys tesamen mitte twee scippers die zij mede hadden omme die certificacie te passeeren van heur vacacien gedaen mit heur scepen in Vrieslant over een jaer in den zomer xxiiii s.

Noch gevaceert twee dagen elc tot vi s. 't 's daechs van xxiiii s.

De scippers haer costen alzoe zij geen dachgelden en hadden betaelt viii s.

De certificacie onder stedezegel van Eynchuysen van de voors. vacacie iii s.

Somma drie rinsgulden,

welcke drie rinsgulden wij, Dirck Allaertsz. ende Vincent van Teylingen, bekennen ontfangen te hebben van de tegenwoerdige tresoriers van deselve stede van Alcmaer up den xx^{en} in junio anno XV^C ende zeventien.

Dirck Allertz.

V. Teylingen

Heren tresoriers der stede van Alcmaer, men ordonneert u te betalen Jan Luytgensz. de somme van twaelff stuvers voer zijn reyse die hij dede duer bevel van de vroetscap derselver stede up sondach lestleden tot Eynchuysen mit brieven an meester Franchois Coebel, roerende de vijftich knechten die de stede uitmaicken zoude, ende mits alleenlijc overbringende dese ordene, men sal 't uluyden passeren in 't uitgeven van uwer rekeninge. Actum desen Pinstervont anno XV^C ende zeventien bij mij als burgemeester

Dirck Allertz.

Men ordenyren den voernoemde tesauryes te betalen Pieter Abelz. van een bryef die hij deer byveel van den burgermeysteren tot Hemskerck an mijn heer van Assendalff, inhouden dat hij comen soude tot Alcmaer als commysarys tuysken den voernoemde stede ende die erfgenamen van Claes Korss. die som van vier stuvers. Men sullen 't hem

doen passeren in hoer rekening myts overleveren dese obligacie. Actum den v^{en} ix^{en} in septembri anno XV^C XVII.

Dirck Allertz.

Wij, Jan Claeszoon, burghermeyster, ende Dirck Jacopszoon, scepen, kennen ende lijen ontfanghen te hebben uut handen van onsen tresauriers der stede van Alcmār die summa van xxxiii l. vijf s. iii d. ter causen van een reyse bij ons ghedaen myt consent van den onsen rijckdoem ende vroetscap tot Myddelburch bij den *Coninclijsken Majesteyt* om te impetreren onse stede van Alcmār te moghen fortificeren ende starken mytsgaders die ~~anes~~ omgheseten in te ontbyden tot onsen ~~hulpe~~ hulpe ende om attroye te veurzuecen om ons selven te moghen belasten myt lijfrenten ende oeck om gratie ende lichtenisse te crighen van den kerckordinaris ende extraordinaris, daerover wij ghevaceert hebben tesamen xxvii daghen, dachs xii *stuvers* van seghelen samen ende anders xii *rinse gulden* ende een *stuver* ende van vracht uut ende thuus vijf *rinse gulden* ende een ort *stuver*, compt tesamen tot den summe *voirs.* van xxxiii l. vijf s. iii d. In kennis daer waerheyt soe hebben wij elx bijsonder onse naem hieronder gheset op den xxix^{ten} dach in julio anno XV^C seventyen.

Jan Claesz.

Dirck Jacopsz.

Ic, Karel Gremer, procureur-generael van Hollandt, bekenne ontfanghen te hebben van der stede van Alcmār de somme van drie ponden grooten vlaems over een half jaere lijfrenten, mij verschenen den xv^{en} dach van auguste lestleden, van welcke iii l. ten prijse voors. ic mij houde over wel vervoucht ende betaelt, scelden daervan quijt ende van allen voerleeden termijnen de voors. stede van Alcmār ende allen dengeenen die quytancie behouwen. Des t'oirconde mijn hanteicken hieronder gestelt upten xiiii^{en} dach in octobry anno XV^C zeventhien.

Dirck Allertz.

Gremer

Wij, Dirck Allertz. ende Lubbrant Maertz., kennen ontfanghen te hebben van Bartolomyas Ysbrantz. ende meester Martyn Florysz., tesauryers der stede van Alcmār, die som van vier l. vijftien s. ix d. van xl groet vlaems 't pont ter cause van een reyse bij ons ghedaen deer byveel van den burgermeysteren ende scepenen derselver stede in Den Hage om

te verantwoerden van 't gunt dat meester Claes, pastoer van den prochykercke van Alcmaer, als procuratoer van meester Jan Puutten over onse ~~kerek~~ stede van Alcmaer, mochte bij lasten ofte bij snaren van 't gunt datter ghescyet mochte wesen als heer Claes, clerck, als procuratoer van meester Jacop Scuytgen gestelt worde, in posses van onse voernoemde prochykercke van Alcmaer *ende* dat bij een deerwaerder deer crachte van een mentanu *ende* welcke reyse wij ghevaceert hebben elcks vijff daghen, elcks dachs vi s., facit iii l., an vracht uut *ende* thuyt xxxv s. ix d., komt beyde *percelen* totten voerscreven som. In kennysse der waerheyt soe hebben wij, Dirck Allertz. *ende* Lubbrant ~~Mae~~Maertz. elcks bijsonder onse naem hieronder gheset opten xxv^{en} dach in februario anno XV^C seventien na scriven der stede van Alcmaer.

Dirck Allertz. Lubbrant Maertsz.

Wij, Bartolomyus Ysbrantz. *ende* Dirck Allertz., poerters der stede van Alcmaer, kennen ontfanghen toe hebben van onse tegenwoerdighe tesauryers die som van dertyen l. vijff s. ix d. van xl groet vlaems 't pont *ende* dat van een reys bij ons ghedaen deer byveel van den buergermeysteren *ende* gerechte tot Bresel om aldaer te solliciteren dat die elexie van den gerechte mochte comen an den xxxvi van den vroetscap *ende* voert te vereysken *ende* te consilieren an den raedt *ende* elders hoe wij ons dragen *ende* hebben sullen angaende tuuysken meester Jacop Scuytgen *ende* meester Claes als procuratoer van meester Jan Putgten, over welcke reys wij gevaceert hebben elcks acht dagen, elcks dachs xii s., facit ix l. xii s., an vracht uut *ende* thuyt iii l. xiii s. ix d., komt tesamen totten voerscreven som van xiii l. vijff s. ix d. In kennysse der waerheyt soe hebben wij, Bartolomijus Ysbrantz. *ende* Dirck Allertz., elcks bij[so]nder onse naem hieronder gheset upten xviii^{en} dach in maert anno XV^C XVII na scriven derselver stede.

Bartolmyes Ysbrantsz. Dirck Allertz.

Ic, heer Franck Arentz., priester, kenne *ende* belije ontfanghen te hebben van die goede stede van Alcmaer vijf pont groet vlaems lijfrente, die mijn *verscenen* waren den eersten dach *in* junio anno XV^C *ende* seventhien, van welcke termijn voirscreven *ende* van allen voerleden termijnen kenne ic mijn wel *ende* doechdelick betaelt te wesen. In oirkonde der waerheyt soe heb ic, heer Franck Arentz. voirs., dese quytancie selver gescreven *ende* mijn naem mit mijn hanteyken hier onderan gheset anno XV^C *ende* seventhien den xxi^{sten} dach *in* septembri.

Jan Claesz. X Heer Franck Arentz., priester

Ic, Gillis van Zoutelande Willemz., kenne en lije ontfangen te hebben van die goede steede van Alckmaer die somme van viftich rinse gulden current als van een halff jaer lieffrenten, mijn *verscenen* weesende op die voergenoemde steede den eersten dach van maerte anno XV^C zeventhien, van wellicke voers. viefich rinse gulden ic mij houwe

over wel verwoecht ende betaelt, sceldende daarvan quitte ende
beloefte quitte te houden tsegens eenen ygelicken die voernoemde
steede van Alckmaer ende allen anderen dien 't behoert van
deese terminen ende van allen voerleeden terminen. Des t'orconden
zoe heb ic, Gillis voers., mijn hantteyken hieronder gestelt
opten xiiii^{ten} dach in junio anno XV^C zeventhien.

Dirck Allertz.

G. van Zoutelande

Ic, meester Wouter Gheritsz., priester in Haerlem, kenne ende lijde ontfanghen
te hebben van die stede van Alcmaer die somme van vijf rinsgulden
current, die mijn, meester Wouter, met Alijdt Heijnricksdochter verschenen
waren opten eersten dach van den maente van mey anno XV^C ende XVII
ende noch jaerlicx verschijnende ons beyder leven lanck of den lancxte
levende van ons beyden ende niet langher, bekende dochtelick beta-
elt te sijn van desen termijn ende van allen anderen voirleeden termijnen.
In kennisse daer waerheyt soe heb ic, meester Wouter Gheritsz. voirs.,
mijn ghewoenlick hantteyken hieronder gheset in den jaer als
boven verclaert den xv dach in mey.

W G

Ic, meester Wouter Gheritsz., priester in Haerlem, kenne ende lijde ontfangen
te hebben van die stede van Alcmaer die somme van vijf rinsgulden
current, die mijn, meester Wouter, met Alijdt Heynricksdochter Gheryt, Willem
Dyrickz. zoen, verschenen waren opten eersten dach van den maente van
mey anno XV^C ende seventheyn ende noch jaerlicx verschijnende ons
beyder leven lanck off den lancxte levende van ons beyden ende niet
langher, bekende dochtelick betaelt te sijn van desen termijn ende van
allen anderen voirleeden termijnen. In kennisse daer waerheyt soe heb
ic, meester Wouter Gheritsz. voirs., mijn ghewoentlick hantteyken
hieronder gheset in den jaer als boven verclaert den xv dach in
mey.

Dirck Allertz.

W G

Ick, Hubert Harmanz. van Aemstelredaem, ken ende lie dat ick oentfaenghen
hebbe van mijn kyenderenweeghen als van heer Harman ende van meester Jaen
van Baertoelmeus, van Dyerreck ende van Fraens ende Neel Huebertdochter
ende van Gheertte Hubertsdochter van dye guede stede van Alcmaer
vyer libra vlaems, dye ons ~~vers~~ verschenen waeren den erste daech in septem-
ber anno vijfhynhoendert ende seestyen ende kennen oens voeldaen ende
weel betaelt te wesen van dese termijnen ende van allen voerleeden termynen.
In kennysse daer waerheyt soe heb ick, Hubert voernoemt, mijn merck
hyer oenderan gheset.

X

Adrian Dircxz.

Ic, Augustin van Teylingen, als gemaechticht van meester Anthonis van Teylingen, mijn broeder, canonick tot Maastricht, bekenne in zijnde absencie *ende* van zijnrewegen *ontfangen* te hebben van der stede van Alcmaer bij handen van den tresoriers derselver stede de *somme* van zeven ponden tien scellingen van xl *groeten* over een halve jaer lijffrente, staende upte naeme van meester Anthonis vors. *ende* Anna, mijn natuerlijcke dochter, gevallen binnen dese maent van december, dairaf *ende* van alle voirdeden termijn[en] ic mij houde voldaan. Des t'orconden mijn handteyk[en] hieronder gestelt up den xiiii^{en} dach in december *anno* XV^C *ende* zeventien.

Dirck Allertz.

A. Teylingen

Ic, Augustin van Teylingen, in den naeme van meester Anthonis, canonick tot *Sinte-Servaes* te Maastricht, mijn broeder, beken *ontfangen* te hebben van der stede van Alcmaer bij handen van den tresoriers derselver stede de *somme* van acht alve rinsgulden, 't stuck tot xx *stuvers*, over een halve jaer lijffrente deselve mijn broeder *ende* suster Anna, mijn natuerlijcke dochter, gevallen den eersten dach van junio lest verleden, dairaf *ende* van alle voirdeden termijnen ic mij in den naeme als boven houde voldaan. t'Orconden van desen mijn handteycken hieronder gestelt den x^e in julio *anno* XV^C *ende* zeventien.

Dirck Allertz.

A. Teylingen

Ic, Augustin van Teylingen, als substituyt van den rentmeester Willem Goudt, bekenne *ende* lije *ontfangen* van der stede van Alcmaer bij handen van den tresoriers derselver stede de *somme* van hondert een *ende* tnegentich ponden dertien scellingen vier pennyngen van xl *groeten* 't pont over derselver stedepencie in den leste x^{en} van de grave van Nassou als voor 't leste derde termijn van den xxx^{en}, hem gevallen up *Sint-Jan* lestleden, dairaf ic mij houde voldaan. Des t'orconden mijn handteycken hieronder gestelt up den vierden in julio *anno* XV^C *ende* zeventien.

A. Teylingen

Ick, Griet Jansdochter, poirterssche der stede van Aemstelredamme, kenne ende lijde mits desen ontfangen te hebben van die goede stede van Alckmaer twee ponden een scelling acht pennynge grooten vlaems ter saken van een geheel jaere lijffrenten, mij verscheenen op Onsen Lyeve Vrouwendach Assumptionis anno XV^C ende seventhien ende dit uuyt crachte van een brieff van thien gulden, 's jaers tot mijn lijff twyntich bourgonssche stuvers, voor date des brieffs gemunt voor een gulden gerekent, ende voort een compositie daerof gemaect ende gelyede mij van desen *ende allen voirdeden terminen ende jaeren* voldaan ende betaelt te wesen. Des t'oirconde mijn merck hieronder gescreven. Aldus gedaen den xxvi^{en} dach van augusto anno XV^C ende seventhien.

Jan Claesz.

X

Ic, Beert Jansdochter, belei *ende* kenne dat ic ontfangen heb van die goede stede van Alckmer elf schellenc ende aecht pyninc, die mij verschenen waeren yn junius anno vijftynhondert *ende* seventyn, daer ic, Beert voerscherven, belei voldan te wesen van dese termijn *ende* van alle verlede termijnen. In kennysse der waerheit soe heb ic mijn merck hieronder geset.

X

Ic, Beert Jansdochter, belei *ende* kenne dat ic ontfangen heb van die goede stede van Alckmer elf schellenc ende aecht pynnyc, die mij verschenen waeren yn december ~~van~~ anno vijftynhondert *ende* seventyn, daer ic, Beert voerscreven, belie voldaan te wesen van desen termijn *ende* van alle verlede termijnen. In kennysse der waerheit soe heb ic m[ij]n merck hieronder geset.

X

Jan Claesz.

Ic, Dirck Allertz., poerter der stede van Alcmaer, kenne *ende* lije ontfanghen toe hebben van Bartolomys Ysbrantz. *ende* meester Martyn Florysz., tesauryers derselver stede, die som van twe l. tyen s. van xl groet vlaems 't pont *ende* dat van een reys bij mijn gedaen in Den Hage deer byveel van den burgermeysteren, scepenen *ende* vroetscap an Wyllem Goudt, rentmeester-generael van Noertvryeslant, om van hem bygerende of hiermede toevreden soude wyllen wesen als dat wij 't rest van den beyde van Sinte-Jansmysse soude leveren in handen van Augustyn van Teylingen, daer die voernoemde Augustyn daer-

mede betalen soude die xxv knechten, daer die stede van Alcmaer toe geordyneert sijnen bij mijn heer van Nassouwen, mijn heer van Ysselsteyn ende mijn heer van Wassenaer mytte Raedt van Hollant, over welcke reyse ic gefaceert hebbe drie dagen, dachs tot ses s., facit xviii s., an vracht uut ende thuyss xxxii s.,
komt beyde perselen totten voerscreven som van ii l. x s. In kennysse der waerheyt heb ic, Dirck Allertz., mijn
naem hieronder gheset upten xxvi^{en} dach in mey anno XV^C seventyen.

Dirck Allertz.

Wij, Bartolomyus Ysbrantz. ende Dirck Allertz., kennen ontfangen te hebben van onse tegenwoordige tesauryers die som van vijff l. vijff s. van xl groet vlaems 't pont van een reys bij ons gedaen in Den Hage, ende dat deer byveel van den burgermeysteren mytten gerechte up een dachfaert van den eysche die de *Coninclijske Majesteit* was bygeerende over dat gemyen lant, te weetten vierhondertdusent pont up acht halve jaeren ende xviii^m enkel guldens over Hollant ende Seelant van sekere onkosten die de *Coninclijske Majesteit* gehadt heeft van den nye byscop tot Uetrecht, over
welcke reyse wij gefaceert hebben elcks vijff dagen, dachs elcks ses s., facit drie l. noch an vracht uut ende thuyss xxxix s. ende van een sack te lossen uutten gryff ses s., komt alle dese voerscreven perselen totten voerscreven som van vijff l. vijff s.. In kennysse des waerheys soe hebben wij, Bartolomyus Ysbrantz. ende Dirck Allertz., elcks bijsonder onse naem hieronder geset upten xxvii^{en} dach in maert anno XV^C seventyen na scriven der stede van Alcmaer.

Dirck Allertz. Bartolmies Ysbrantsz.

Ic, joncvrouwe Barber van Cats, bekenne ende lije ontfangen te hebben van der stede van Alcmaer bij handen van den tegenwoordige tresoriers derselver stede de somme van dertich ringuldens, den gulde tot xx stuyvers gerekent, in betalinge van een halff jaer lijffrente, mij up derselver stede gevallen den xiiii^{en} in maerte lestleden, dairoff ende van alle vorleden termijnen ic mij houde voldae. Orconde mijnen name mit mijn selfs hant hieronder gestelt up den xx^{en} dach van aprille anno vijftienhondert ende zeventien.

Somma xxx l.

Dirck Allertz. Barbar van Cats

Wij, Dirck Allertz. ende Barthout Gherytsoon, kennen ontfangen te hebben van den tesaueriers der stede van Alcmaer die zomme van ii l. ii s. van xl groten in betalinghe van een reyse bij ons ghedaen tot Eynckhuysen bij consent van den burghermeysteren ende rijckdoem an mijn heer van Ysselsteyn omme met hem te spreken

van xxv knechte, up te brenghen up die Zuyderzee, in welcke reyse wij ghevacert hebben elcks ii daghen, *facit tezamen* iiii daghen, 's dachs vi s., *tezamen* xxiiii s. noch van vracht uyt ende thuys xviii s., comt *tezamen* tot zomme van ii l. ii s. als voren. In kennisse van desen hebben wij elcks onse name hyeronder gheset up den xxiii^e dach in mey anno XV^C XVII.

Dirck Allertz.

Barthout Gherytsoon

Ic, Jan Claesz., ende Aelbert van Rijck een reys ghedaen toe Enckhuesen om toe betalen die knechtten die ~~de~~ sted[e] van Alckmaer daer had leghghen, ghefacert toesaemen twye daeghen, des daghes vi st., voer vaerren ut *ende* thus xxviii st., komt toesaemen an vracht *ende* an dachghelt ~~komt toesaemen~~ xlviiii st. van weelke som wij bekennen toesaemen voldaan toe weesen van onse teghenwoerdychghe tesauryers. In kennes soe heb ic, Jan Claesz., *ende* Aelber van Rijck elx bijzonder onse merck hyeronder gheset op den xix dach in junyo anno XV^C XVII nae scrijven der steede van Alckmaer.

Jan Claesz.

Aelbrecht van Ryck

Ic, Pieter Martijnzoon, priester, kenne ende lije ontfangen te hebben van die goede steede van Alcmaer bij handen van den tegenwoirdigen tesoriers die somme van vijf gouden nyeuwe phillippusgulden in betaeling van een halff jair lijffrenten, staende tot mijnen lijve enden ten lijve van Claes Opdammenzoon, mijn gevallen enden verscenen up Alreheilighendach lestleden, dairhoff ic mij houde voldaan. Des t'oirconde heb ick mijnen naem hieronder gescreven up den xx^{en} in decembri anno XV^C ende seventien.

Heer Pieter Martijnzoon

Jan Claesz.

Ic, IJsbrant Pieterzoon var Del, priester, ken *ende* lide ontfanghen te hebben van die guede stede van Alcmaer die summe van xvi rijnsse gulden lijffrenten, die mijn verscenen waren in 't jaer dusent vijfhondert *ende* XVII op den eersten dach van april, hierof ken ic mijn voldaan *ende* wel betaelt van desen termijn *ende* van allen voerleden termijnen. In kennisse der waerheit zo heb ic, Ysbrant Pieterzoon var Del, priester, ditselver ghescreven *ende* mijn meerck hieronder gheset anno dusent vijfhondert *ende* XVII op den lesten dach van septembri.

X

Jan Claesz.

Ick, meester Jacop Janzoon Verwer, priester t' Alcmair, ken ende lije mits dese dat ick ontfangen heb bij handen van den teghewoirdighe troesoriers der stede voernoemt die somme van ~~vijff~~ vier gouwen philipsgulden, verschenen mijn dochter Gherrit Jacopsdochter Bartolomei laestleden over een halff jaer lijffpentie, van welcke termijn ende al andere termijnen ick mij houd voldaan ende wel betaelt. Des t'orconde heb ic mijn eyghen naem hierongder ghestelt ende gheset anno XV^C ende seventhien den v^{en} van octobri.

Meester Jacop Janzoon Verwer, priester t' Alcmair

Jan Claesz.

Wij, Willem Arianszoon, Bartelmys Ysbrantszoon, Bratelmys Dirckszoon ende Willem Willemszoon Brouwer, kennen ende lijen ontfanghen te hebben uut handen van onse tresauriers die summa van vijf pont ses s. van xl groet vlaems 't pont ende dat over een reyse bij ons ghedaen tot Amsterdam doer beveil van den ghemyenen rijckdom, om sekere penninghen te crighen op renten, daerover wij gheveceert hebben elx vier daghen, facit xvi s. groet vlaems ende van vracht uut ende thuus tyen st., compt tesamen tot den summa voirnoemt. In kennis daer waerheyt soe hebben wij elx bijsonder onse naemen hieronder gheset op den xx^{ten} in augusto anno XV^C seventyen

[in ander handschrift:]

bij mijn Willem Adrienz., Bartolmies Ysbrantsz., Willem Willemz. Bartelomies Dirxz. **pros.**

Dirck Allertz.

Ick, Jan van Scagen, rentmeester van die duynen tot Petten, kenne ende lije ontfangen te hebben van die stede van Alcmaer van vi^c mergen ende drie ende tsestich mergen, elck mergen twee scellingen, beloept in ponden van xl groten ses ende sestich ponden ende ses scellingen ende noch driehondert mergen, elck mergen drie groot, beloept in ponden van xl groten twee ende twintich rijnsche thien scellingen, maect tesamen lxxxviii ponden sestien scellingen groten 't stuck voerscreven, scelde daerof quijt die voernoemde stede ende allen anderen. Dat t'orconde mijn naem met mijn eygen hant heronder gestelt upten xxi^{en} dach van april anno XV^C ende seventien.

J. de Schaigen

Ic, Gheryt Maertz., een reys ghedaene in Haghe ende dat doer 't
beveyl van die burgermeesteren om te spreken mit mester Pieter,
de Icton Petro angaende stedesake, in welcke reys ick ghe-
vaseert heb drie dagen, daechs ses st. ende xv st. van vracht,
compt tot xxxiii st. van welcke pennighen ick mijn kenne wel
vervoecht ende betaelt. In kennis soe heb ic hyer mijn naeme onder ghe-
screven op de xxi^{ten} in augusto anno XV^C ende seventyen.

Gheryt Maertz.

Dirck Allertz.

Ic, Lobbrich Willemsdochter, ken ende belij dat ic ontfanghen
heb van die goede stede van Alckmer drie rinsgulden, xl
groet vlaems voer die gulden, die mijn voerscreven waeren
opten vijften dach in julius, dachs nae Sinte-Martijn overwa-
ert anno vijftienhondert ende XVII ende ic beli voldae te sijn
van dese termijn ende van allen voerleden termijnen. In kenne-
s der waerheit soe heb mijn merck hieronder gheset.

Jan Claesz.

X

Anno 1517

Wij, Barthoudt Gerrytz. ende Willem Aerjanz., weesmeesteren binnen Alcmaer,
kennen ende lijen ontfangen te hebben van die goede stede van Alcmaer
die som van ses ponden van xl grooten vlaems 't pont in betalinge van een
halff jaer lijffrenten, staende ten liven van Jan Claesz. Hollen kinderen,
hoer verscenen opten eersten dach van novembri laestgeleden ende wij, wees-
meesteren voerscreven, kennen ons voldae van desen termijn ende van allen
anderen voergeleden terminen. Oerconde onsen naem hieronder geset
opten xii^{en} dach in decenbri anno XV^C seventhyen.

Barthout Gherytzoon

hyer sult ghij offkorten x st.
van haer settinge

Jan Gerijtz., nutertijt baliou van der Nijburch, kenne ende lije ontfanghen te hebben
van die goede stede van Alcmaer die somma van negen pont, stuck tot verticht
groet vlaems, ende dit ter cause van een halff jaer lijffrentten, staende ten lyeve
van broder Gerijt Jansz., camelyt, ende Guert Jansdochter, Jan Gerijtz. kinderen,

gewonnen bij Joosts Jacobs Heermans dochter salige gedachten, ende den langsten levende van hen beyden, van welcke rentten Jan Gerytz. heeffter off wesen sal sijn leven lang geduerende, verscenen den xv^{en} dach ~~in~~ in augusto laeste verleden, van welcke termijne van negen pont, mette voirtscreven ick mij houde vervucht van dit termijn ende van allen verleden termijnen. In oirtconden mijn hanteycken hieronder gestel[t] upten xv^{en} dach in novembry anno XV^C ende soeventhyen.

Dirck Allertz.

Jan Gerijtz.

IHS Maria

Ic, Snel Claesz., poirter der stede van Alcmaer, bekenne ende lije ontfangen te hebben van der goede stede van Alcmaer bij handen van den tesauweryers derselver stede die somme van tien gouden andryesgulden, stuck tot xxix **H. fl.**, in ponden van xl grooten xiiii l. x s., houdende up mijn, Snel Claesz., ende Joest Jacobsdochter, mijn huysvrouwe, of den lancste levende van ons beyden ende waren ons voirsenen den xii^{en} dach van februario anno XV^C ende XVII ende bekenne mijn voldaan van dese termijn ende allen voirleden termijnen. In kennysse der warheyt soe heb ic, Snel Claesz. voirscreven, mijn singnet hyeronder gestelt in den maent van martyo anno als boven.

Dirck Allertz.

Ic, Cornelis Janszoen, poirter der stede van Amstelredamme, bekenne mits deser *quitancy ontfaenghen* te hebben van de goede stede van Aelcmaer twee lb. tien s. groet vlaems, houdende up Alijt, Ghijsbaert Baertozoen dochter, tot haer lijff alleen ende zijn twee briefven afghestoerven up haer lijff alleen ende zijn *verscheenen* up den leesten daech van november een half jaer anno sestien ende et ander halfjaer is *verscheenen* den leesten daech in meye anno XV^C ende zeventien, eelck half jaer xxv s., facit twee lb. tien s, daerof kenne ic *vervoucht ende* betaelt te wesen. In kennesse der waerheyt zo hebbe ic dese *quitancy selven* ghescreven ende mijn singhenet hierhonder gheduecht up spacie deser *quitancy* up den neghensten daech in october 't jaer XV^C ende zeventien.

Ic, Cornelis Janszoen

Dirck Allertz.

Ic, heer Sijmen Dirckz., priester van Amstelredam, bekenne ende lije ontfanghen te hebben van die goede stede van Alcmer drie gouden andriesen ende een halve, *summa vijf gulden ende anderhalve stuver*, die welcken *verschenen* waren opten eersten dach in junio anno XV^C ende seventien. Ic lije ende bekenne voldaan te wesen van die voirs. stede

van dit termijn ende allen anderen verleden terminen. In een teyken der wairheit soe heb ic mijn hanteyken hieronder gheset.

X
Jan Claesz.

Men ordenyren onse tesauryers dat ghij sult betalen Jan Reyersz. van Ouderp van sijn sallarys ende arbeysloen dat hij ghereyst heeft tot Horn upten seedijck ende elders ende dat myt een paert om te vereysken waer die vijanden souden mogen upslaen ende wat wech sij upsloghen, die som van xxv stuvers. Men sullen 't hem doen passeren in hoer rekening myts overleveren dese ordenancie. Actum den viii^{en} in octobry anno XV^C XVII.

Dirck Allertz. Jan Claesz.

Item ic, Ael Mathisdr., baghijn opten Groeten Hoff te Aemsterdam, ken ende lij dat ic ontfanghen van die goedde sted[e] van Alckmaer vijf rijnsghulden current, die mijn verschene was op den xvii dach in maert in 't jaer XV^C en XVII ende ic betaelt te wesen van desen termijn ende van allen voerleden termijnen. In kennis der waerheit soe heb ic mijn merck op gheset.

X
Jan Claesz.

Ic, Anna van Nortich, weduwy van Ghysbart van Duvennord, ken en leij ontfanghen toe hebben van die gode stad van Alckmaer drie pont grooten vlams, houdende op mijn lief en waren verscenen opten xxiii dach van desember anno XV^C XVI en ken mij betalt en wel voldan toe wesen van dese termijn en van alle voerleden termijnen. In kennys daer waerhijt heb ic dit ghescreven mit mijn selves hant en mijn nam hieronder gheset op den xxvii dach van januaris dat jaer als boven nae scriven des hovs.

Dirck Allertz. Anna van Nortich weduwy van
Ghysbart van Denord

Wij, Dirck Allertz. ende Lubbrant Maertz., kennen ontfanghen toe hebben van onse tegenwoerdige tesauryers die som van xxvii s. vi d. van twe seelling groet den scelling, van een reys bij ons gedaen tot Horn ende dat deer byveel van den burgermeysteren mytten gerechte up een

dachvaert, *over* welcke reyse wij gefaceert hebben elcks een dach, dachs elcks ses s., facit xii s., an vracht uut *ende* thuyt xv s. vi d., overmyts dattet up Palmdach was, komt beyde *percelen* totten voerscreven som van xxvii s. vi d. In kennysse des waerheys soe hebben wij elcks bijsonder onse naem hieronder geset upten vi^{en} dach in april anno XV^C XVII na scriven der stede van *Alcmaer*.

Dirck Allertz. Lubbrant Maertsz.

Men ordineren die tresauriers te betaelen in handen van Wouter Janszoon., *carmaryt*, die summa van vii st. ter causen dat hij onse burghermeysteren der stede van Alcmaer ghevoert heeft tot Hemskerke om te spreken myt mijn heere van Essendelft, myts overleverende desen men sallen 't hem passeren in hoer uutgheven daer 't *ende* alsoe 't behoeren sal. Actum den xx^{ten} in augusto anno XV^C seventyen.

Jan Claesz.

Ic, *Gherten* van Berkenroe, kenne *ende* lije ontfangen te hebben van der gueder stede van Alcmaer de somme van twintich rinsgulden, stuck veertich groten, *ende* dit van een jaer lijfrenten, staende op mijn lijf *ende* op Haes mijn dochters lijf, verschenen den drie *ende* twintichsten in decembrys anno XV^C sestien. Noch ken ic ontfangen te hebben twintich rinsgulden lijfrenten, stuck veertich *groten*, staende op Heynrick *ende* *Gherten* lijf, daer ic heffer of ben, verschenen den drie *ende* twintichste dach in decembrys anno XV^C stestien. Noch ken ic ontfangen te hebben thien rinsgulden 's jaers lijfrenten, stuck veertich *groten*, staende op mijn lijf *ende* op Marigen mijn bastaerts dochters lijf, verschenen den drie *ende* twintichsten dach in decembrys anno XV^C sestien, van welcke somme *ende* jaer lijfrenten *ende* van alle voerleden jaren ic mij houde vervuecht *ende* wel betaelt, sceldende daerof quijt die voernoemde stede *ende* allen anderen die deser quitancie behueven. Des t'oorconde mijn naem hieronder gheset opten xxvi^{en} dach in junio anno XV^C seventien.

Dirck Allertz. Berkenroe

Anno 1517

Ick, meester Jacop Janzoon Verwer, priester t'Alcmaer, ken *ende* lije mits desen ontfaen hebben bij handen der teghenwoirdighen troeseriers derselver stede die somme van vier gouwe philipsguldens, mijn naetuerlicke dochter v Gherrit Jacopsdochter, verschenen Mathie laestleden anno XV^C *ende* seventhien, van welcke termijn *ende* al andere terminen ic mijn houde voldaan *ende* wel betaelt. Des t'orconden mijn naem hierongder ghestelt anno

XV^C ende XVII den iii^{den} in aprille

bij mijn, meester Jacop Janzoon Verwer
priester

Adrian Darcxz.

Ic, Gierte Martensdr., *mater des convents van die xi^m maechden bynnen Aemstelredam*, kenne *ontfangen* te hebben van die goede stede van Alcmaer vier *philipsgulden*, welcke ons *verschenen* waren anno XV^C ende XVII den viii^{ten} dach in novembri, houwende op lijf Alyt, Fraens Claes Loenen dochter, die in 't voirscreven convent een professide suster is ~~in~~ ende kenne wel betaelt te wesen van dese ende al andere verleden terminen. In kennisse des ~~wir~~ wairheits heb ic hieronder onse conventsmerck gheset.

Gescreven bij mij II *Vro Jan Pieterszoon*
Barthout Gherytsoon

Ic, Marijttē Wylleminussz. dochter, bekenne ontfanghen te hebben van die gude stede van Alcmaer die somme van vijf rijnsgulden, houdende ten lijve van Erem, Frans ende Wijllem, alle Pieter Wyllemz. kinderen, daer ic, Marijtgen voerscreven, heefster of bin, mij leven lanck ~~et~~ gedurede ende waren *verschenen* op Onser Worven Lismys anno XV^C XVII ende ic beken mij voldae te wesen van desen termijn ende allen voerleden termijne. In kenyse der waerheit soe heb ic, Maeyr- gen voerscreven, mij naem en mij merck myt mijn selfs hant hieronder geset.

Marytten X

Dirck Allertz.

Ic, Vincent van Teylinghen, bekenne ontfanghen te hebben van de stede van Alcmaer die somme van elftalve stuvers over een rijse gedaen met tyen anderde tot Heyloe in 't maecken van jaer ommeslach upte bruycwaer bij deselve buyeren van Heyloe, aldaer ic regardt ende toesicht up hadden ende rapporteerden 't selve de voornoemde stede, verteert ende verwaeren dieselfde somme voors., daervan ic mij houde voldae. Actum den xx^{en} in ~~december~~ *januario* anno XV^C ende zeventien ~~stilo eoe~~ *stilo coeden cursen*.

V. Teylingen

Adrian Dircxz.

Ic, Barbar van Cats, beken ontfangen te heben van die guede stede van Alcmar die somme van xxx rijns-gulden bi handen der tresoryers derselver steden, die mij verscenen waeren den xiiii dach in september laestleden *ende* in kennysse van desen, so heb ic, Barbar *vorscreven*, dese quyttanci gescreven en ic danks die guede stede *vorscreven van* dit termijn *ende* van alle ander vorleden termijnen. Gescreven den xx dach in ocktober anno XV^C *ende* seventien.

Barbar van Cats

Dirck Allertz.

Ick, Vranck de Wael, preister, ken *ende* lije dat ic *ontfangen* heb van die goede stede van Alcmer die *summe van neghen gouden andriesgulden* in betalinghe van een half jaer lijffrenten, staende ten lijve van mij *ende* mijn kinderen, ghevallen *ende* verscenen Ponciani laestverleden, daervan ic mij houde wel verwoecht *ende* betaelt te wesen. Sceldende mits desen quijt die voers. stede *ende* allen anderen dien behoert *van* desen terminen *ende* van allen voerleden terminen. Oerconde van desen mijn naem *ende* mijn merck heronder gheset opten *eerste dach* in mey anno seventien.

Dirck Allertz. Vranck de Wael, *priester* X

Andries guldens tot xxix s. *ende* xiii l. i s.

Ick, Vranc de Wael, preister, kenne *ende* belije *ontfangen* te hebben van die goede stede van Alcmer die *summe van neghen gouden andriesgulden* in betalinghe van een half jaer lijffrenten, staende ten lijve van mij *ende* mijn kinderen, ghevallen *ende* verscenen january laetsverleden, daervan ic mij houde wel verwoecht *ende* betaelt te wesen. Sceldende mits desen quijt die voers. stede *ende* allen anderen dien 't behoert *van* desen terminen *ende* van allen voerleden terminen. t'Oerconde van desen mijn naem *ende* merck hieronder gheset opten xxsten dach in novembry anno XV^C *ende* seventien.

Dirck Allertz.

Vranck de Wael, *priester*

X

summa xiii l. i s.

Ick, meester Martyn Floryszoon, kenne *ende* lije ontfanghen te hebben van die goede stede van Alcmár die *summa van drie pont* xiiii s. vi d. van *xl* groete vlaems 't pont, ter causen van een reyse bij mijn ghedaen doer beveel van den burghermeysteren tot Delft om te impetieren een mandament theghens die van Scoerl, Berghen, Oudorp *ende* Heyloe om veer te staen hoer onrelicke omslach, die sij maken over die bruyckwaer, daerover ick ghevaceert hebbe vier daghen, des dachs vi st., van twe mandamenten xvi st., van vracht dat mijn heer van Scaghen voer om onse stede willen tot Delft xii st., *ende* viii st. van over *ende* weder over te varen thuysken Den Haghe *ende* Delft, *ende* van vracht uut *ende* thuus xv half st., compt tesamen tot den *somme* van iii l. xiiii s. vi d. *voirnoemt*. In kennis daer waerheyt soe heb ick, *meester* Martyn Floryszoon *voirs.*, mijn ~~merk~~ h naem hieronder gheset op den neghenden dach in augusto anno XV^c seventyen.

Martyn Floryszoon

Jan Claesz.